

**PEMBERITAHUAN PERTANYAAN BUKAN LISAN DEWAN RAKYAT**

**PERTANYAAN : BUKAN LISAN**

**DARIPADA : TUAN KHAIRY JAMALUDIN [REMBAU]**

**SOALAN NO. 231**

Minta **MENTERI** menyatakan apakah status projek perintis Skim Peduli Kesihatan B40 (PeKa B40) yang telah dilancarkan pada Januari lalu dan bilakah jangkakan skim PeKa B40 ini akan diperluaskan di seluruh negara.

**JAWAPAN**

**Yang di-Pertua,**

Sepertimana yang telah diumumkan pada 28 Januari 2019 semasa Majlis Pelancaran Media bagi PeKa B40, Kementerian Kesihatan Malaysia (KKM) akan melaksanakan Skim Peduli Kesihatan untuk kumpulan B40 mulai bulan April 2019. Objektif utama Skim Peduli Kesihatan untuk Kumpulan B40 atau dikenali sebagai PeKa B40 adalah untuk mempertingkatkan saringan kesihatan penyakit tidak berjangkit di mana empat pakej manfaat utama PeKa B40 adalah Saringan Kesihatan, Bantuan Alat Perubatan, Insentif Melengkapkan Rawatan Kanser dan Insentif Tambang Pengangkutan.

PeKa B40 akan dilaksanakan sebagai projek perintis bermula dalam kalangan kumpulan B40 yang berumur 50 tahun dan ke atas di seluruh negara. KKM sedang memuktamadkan perincian pelaksanaan termasuk mengoptimalkan peruntukan RM 100 juta yang diluluskan dalam Bajet 2019, di samping mengadakan perbincangan melalui sesi libat urus atau *sesi engagement* bersama para pengamal perubatan swasta, Exco Kesihatan Negeri, ADUN serta anggota KKM di setiap negeri untuk memberi pemahaman tentang pelaksanaan PeKa B40 serta mendapatkan maklumbalas dan cadangan penambahbaikan.

## **NO SOALAN : 231**

Kementerian Kesehatan akan berusaha memastikan projek perintis PeKa B40 dapat dilaksanakan dengan jayanya. Seterusnya, untuk strategi jangka masa panjang, apabila peruntukan tambahan diberikan, maka KKM akan memperluaskan PeKa B40 secara berfasa sehingga merangkumi kesemua golongan B40 yang berdaftar, agar dapat mengurangkan bebanan penyakit tidak berjangkit khususnya dalam kalangan kumpulan B40.

Sekian, terima kasih.